

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: opcina.banovici@bih.net.ba, Web: www.opcina-banovici.com.ba

Broj: 01-05-183/16- 4

Datum: 17. 02. 2016. godine

Na osnovu člana člana 69. stav (2) tačka d) , člana 70. stavovi 1., 4. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-183/16- 3 od 16. 02. 2016. godine u postupku javne nabavke usluga „Pružanje usluga prevoza učenika na relaciji MZ Brezovača- JU OŠ „Ribnica“ Općinski načelnik donosi

ODLUKU o poništenju postupka javne nabavke

Član 1.

Prihvata se Preporuka Komisije za javnu nabavke broj: 01-05-183/16- 4 od 16. 02. 2016. godine i poništava se postupak javne nabavke usluga „Pružanje usluga prevoza učenika na relaciji MZ Brezovača- JU OŠ „Ribnica“ **iz razloga što nijedna od primljenih ponuda nije prihvatljiva.**

Član 2.

Ova Odluka stupa na snagu danom donošenja i objavit će se na internet stranici www.opcina-banovici.com.ba u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14).

o b r a z l o Ź e n j e

Odlukom o pokretanju postupka javne nabavke usluga broj: 01-05-183/16 od 03. 02. 2016. godine donesenom od strane ovog organa pokrenut je postupak javne nabavke usluga „Pružanje usluga prevoza učenika na relaciji MZ Brezovača- JU OŠ „Ribnica“ .

Predmetna javna nabavka predviđena je Planom javnih nabavki općine Banovići za 2016. godinu, broj 01-05-1681/2015 od 28. 12. 2015. godine, evidencijski broj 102/16.

Javna nabavka usluga sprovedena je konkurentskim zahtjevom za dostavu ponuda.

Procijenjena vrijednost javne nabavke bez PDV-a je 32.000,00 KM.

Obavještenje o nabavci broj 1220-7-2-11-3-5/16, objavljeno je na Portalu javnih nabavki dana 03. 02. 2016. godine.

Tenderska dokumentacija je objavljena na portalu javnih nabavki <https://www.ejn.gov.ba> dana 03.02.2016. godine

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na Portal javnih nabavki):

- Ponuđaču: „GIPS“ d.o.o. Tuzla, sa sjedištem u Tuzli u ulici Autobaza Bukinje,.
- Ponuđaču: „BJELJEVAC TURS“ d.o.o. Kalesija, sa sjedištem u Kalesiji, ulica Senada Mehdina Hodžića,.
- Ponuđaču: „LITVATRANS“ d.d. Banovići sa sjedištem u Banovićima ulica Armije BiH broj 4.

Komisija za javne nabavke imenovana rješenjem broj: 01-05-91/16 od 18. 02. 2016. godine, ovom organu dostavila je dana 17. 02. 2016. godine Zapisnik o ocjeni ponuda broj: 01-05-183/16-2 od 16. 02. 2016. i Preporuku o poništenju postupka javne nabavke usluga broj: 01-05-183/16-3 od 16. 02. 2016. godine u postupku javne nabavke usluga usluga „Pružanje usluga prevoza učenika na relaciji MZ Brezovača-JU OŠ „Ribnica“ .

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude,
- da nema neblagovremenih ponuda,
- Komisija za javne nabavke konstatuje da je (u skladu sa Zapisnikom sa otvaranja ponuda) utvrđujući pretpostavke za obavljanje javnog otvaranja ponuda u mjestu i vremenu naznačenom u TD utvrđeno da ponuđač „LITVATRANS“ d.d. Banovići, sa sjedištem u Banovićima, Armije BiH broj 4., (datum predaje ponude 15. 02. 2016. godine; vrijeme predaje ponude 10: 40 h) nije preuzeo Tendersku dokumentaciju na način propisan Tenderskom dokumentacijom i pozitivnim propisima. U ovom predmetu TD je objavljena na portalu javnih nabavki <https://www.ejn.gov.ba> dana 03.02.2016. godine. Obzirom da u Izvještaju o preuzimanju TD od strane ponuđača nije evidentirano da je Ponuđač TD preuzeo na propisan način, tj. istu nije preuzeo sa portala JN, a koji način preuzimanja je jedini relevantan i pravno valjan u slučaju kada je Ugovorni organ TD objavio na portalu. Sve ovo u smislu odredbi člana 55. Zakona o javnim nabavkama („Službeni glasnik BiH“ broj 39/14) i člana 2. Uputstva o dopunama uputstva o uslovima i načinu objavljivanja obavještenja i dostavljanja izvještaja u postupcima javnim nabavki u informacionom sistemu „E nabavke“ („Službeni glasnik BiH broj 53/15).

U prilog činjenici da je Ponuđač imao dovoljno informacija o načinu preuzimanja govori i poziv o preuzimanju tenderske dokumentacije u sistemu „E nabavke“, broj 01-05-183/16-1 od 03.02.2016. godine kojim je Ponuđač pozvan da preuzme TD na propisan način.

Obzirom na ovakvo stanje stvari, da Ponuđač nije izvršio preuzimanje TD na način propisan tenderskom dokumentacijom i pozitivnim zakonskim propisima, na javnom otvaranju ponuda konstatovano je da zbog svega navedenog nisu ispunjeni uslovi za pristupanje otvaranju predmetne ponude, te će ona neotvorena biti vraćena Ponuđaču.

Iz zapisnika o ocjeni ponuda dalje proizilazi da je Ponuda ponuđača „ENA TRANS“ d.o.o Banovići sa sjedištem u ulici Alije Izetbegovića bb-Lamela A, Banovići (datum predaje ponude 15. 02. 2016. godine; vrijeme predaje ponude 11: 40h) neprihvatljiva jer Ponuđač u ponudi broj 102/16 nije dostavio dokaze tražene TD (USLOVI ZA KVALIFIKACIJU PONUĐAČA- 3.) TD je traženo da ponuđač kao dokaz svoje tehničke i profesionalne sposobnosti dostavi izjavu ponuđača da posjeduje važeće licence za obavljanje vanlinijskog prevoza putnika, licencu vozila i iskaznicu za vozača. Izjava ponuđača da posjeduje navedene licence prema uslovima iz tenderske dokumentacije mora biti ovjerena od strane organa nadležnog za ovjeru potpisa.

Ponuđač dakle nije dostavio traženu izjavu iz tačke 4.1 . na način propisan zakonom i TD, odnosno predmetna izjava nije ovjerena od strane organa nadležnog za ovjeru potpisa nego je ista potpisana od strane lica ovlaštenog za zastupanje i ovjerene pečatom firme ponuđača te se kao takva ne mogu se smatrati valjanim kao dokaz predviđen poglavljem (USLOVI ZA KVALIFIKACIJU PONUĐAČA- 3.). TD., te je ponuda iz navedenog razloga ocijenjena kao neprihvatljiva.

Komisija je ovom organu dostavila preporuku za poništenje premetnog postupka javne nabavke **iz razloga što nijedna od primljenih ponuda nije prihvatljiva.**

Pravni osnov za poništenje postupka javne nabavke prema Preporuci Komisije za javne nabavke sadržan je u članu 69. stav 2. tačka d.) Zakona o javnim nabavkama („Službeni glasnik BiH“, broj 39/14) **tj. iz razloga što nijedna od primljenih ponuda nije prihvatljiva.**

Ugovorni organ je donio Odluku kao u dispozitivu iz slijedećih razloga:

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je preporuka o poništenju postupka javne nabave donesena na osnovu razloga propisanih Zakonom o javnim nabavkama.

Iz navedenih razloga, primjenom člana 69. stav 2. tačka d.) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

1x Svim ponuđačima

1x U spis

1x a/a



OPĆINSKI NAČELNIK

Miđhat Husić